



Broj: JN1 11-03-26-213-4/24  
Sarajevo, 13.09.2024. godine

Na osnovu člana 64. stav (1) tačka b), člana 90. i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22), Referata broj: JN1 11-03-26-213-3/24 od 10.09.2024. godine i Službene zabilješke od 10.09.2024. godine  
***d o n o s i m:***

**ODLUKU**  
**o izboru najpovoljnijeg ponuđača**

**I**

Prihvata se ponuda ponuđača O.B. „RAW MEDIA“ Trg ZANOBIH-A 18, 71000, Sarajevo od 27.08.2024. godine za nabavu usluga medijskog praćenja u inostranstvu, šifra po JRJN 48500000-3 pod nazivom: Komunikacijski i multimedijски programski paket, ekonomski kod 613911 za ponuđene jedinične cijene iskazane u navedenoj ponudi/predračunu.

**II**

Prijedlog ugovora o nabavci izraditi će Odsjek za ugovaranje, nabavku i prodaju/Sektor za nabavku i logistiku i dostaviti će se na potpis izabranom ponuđaču O.B. „RAW MEDIA“.

**III**

Procijenjena vrijednost javne nabave iznosi 6.000,00 KM bez PDV-a, odnosno 7.020,00 KM s PDV-om, po programu „Administracija“, programska aktivnost „Odnosi s javnošću“, potrošačka jedinica Administracija - 01060027.

**IV**

Za izvršenje ove odluke zadužuje se Ured za odnose s javnošću u suradnji s izabranim ponuđačem.

**V**

Novčana sredstva za plaćanje usluga osiguravaju se iz financiranja institucija BiH/Budžet institucija BiH za 2024. godinu., s ekonomskog konta broj 613911 putem Sektora za financije i budžet, u skladu s Pročišćenim Planom nabavki za 2024. godinu objavljen na portalu javnih nabavki dana 12.09.2024. godine (redni broj: 82).

**VI**

Ova odluka objavit će se na web stranici Ministarstva odbrane Bosne i Hercegovine.

**VII**

Ova odluka stupa na snagu danom donošenja i ista će se dostaviti svim ponuđačima u postupku javne nabave.

## O b r a z l o ž e n j e

Postupak javne nabave pokrenut je Referatom broj: JN1 11-03-26-213-3/24 od 10.09.2024. godine. Javna nabava je sprovedena putem direktnog sporazuma. Procijenjena vrijednost javne nabave je 6.000,00 KM bez PDV-a, odnosno 7.020,00 KM s PDV-om.

Ispitivanje tržišta, pismeni zahtjev-prijedlog cijena izvršio je Ured za odnose s javnošću i dostavio je ponude firmi: „INPUT“ d.o.o. broj 22/4 od 28.08.2024. godine, „WALTEREGO“ d.o.o. i O.B. „RAW MEDIA“ od 27.08.2024. godine u sklopu predmetnog Referata.

U postupku javne nabave Ured za odnose s javnošću je pravovremeno prikupio i ocjenio ponude u kojoj je kao najpovoljnija ocjenjena ponuda firme O.B. „RAW MEDIA“ od 27.08.2024. godine.

U postupku ocjene provedenog postupka, Rukovodioc ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Ureda za odnose s javnošću.

Uvidom u priloženu dokumentaciju, nesporno je da je izabrani ponuđač najbolje ocjenjen na osnovu kriterija za dodjelu ugovora – najniža cijena, koju je ponudio u predračunu od 27.08.2024. godine u iznosu od 6.000,00 KM bez PDV-a, odnosno 7.020,00 KM s PDV-om.

Iz navedenih razloga, primjenom člana 64. stav (1) tačka b), člana 90 i člana 70. stav (1), (3) i (6) odlučeno je kao u dispozitivu ove odluke.

**Pouka o pravnom lijeku:** Protiv ove odluke nije dozvoljena žalba.

**Dostaviti:**

- O.B. „RAW MEDIA“ Trg ZANOBIH-A 18, 71000, Sarajevo  
*email: adis083@gmail.com*
- Ured za odnose sa javnošću MO BiH  
(objava na Web stranici),
- Sektor za finansije i budžet,
- ZŠ OS BiH,
- a/a.-

**MINISTAR**

---

**Zukan Helez**